

# GU NAGUSIOK

1

Nagusiak ditugu  
gaurko bertso-gaia,  
hauxe eginkizuna  
eder ta alaia.  
Nor dan gazte ta nor  
zahar  
nok jarri arraia?  
Ez da errez neurtzen  
hitzen esanahia.

2

Gehien bizi izan dana  
hori da nagusi,  
bizitzak zer dakarren  
berak dau ikusi.  
Dana jakin behar da  
eder ta itsusi;  
ta lurjo barik, danak  
zutunik iruntzi.

3

Seme-alabak baino  
geu gara lehenago,  
hiloba ta enparau  
datoz geroago.  
Askotxo hartu dogu  
ta emon gehiago...  
Hor nagusitasuna  
agirian dago.

4

Guk zer dakigun eta  
guk zer egin dogun?  
Ondorengo guztiak  
geuri jakuz zordun.  
Liburu gitxi, baina  
zer bihotz ta  
zentzun...  
Hemen nagusia nor  
dan  
hortik da ezagun.

5

Hartu dogun guztia  
gagoz emotera,  
eta hartutakoa  
hobetuz, gainera.  
Inor haundiagotzen  
txikitu norbera...  
Nahikoa da hartzeko  
nagusi-tankera.

6

Emon geunkan dana  
ta  
genkian onena:  
bizia, euskera ta  
kristau sinismena.  
Emonak emonda be  
ezin jo azkena;  
ez al dogu merezi  
“nagusi” izena?

7

Bizitzan bertan gara  
berez nagusitu,  
karrera aprobatu  
ta ezin gelditu.  
Unibersidadeak  
bereak baditu,  
baina bizitzan dago  
nahibeste meritu.

8

Egoki datorkuna  
da “nagusi” hitza,  
gure gehiengoari  
zuzena deritza.  
Erakutsi dagigun  
zor dogun bizitza,  
zintzo ta garbi gordez  
gure nagusitza!

A- Martzel